

14.05.25 - 14.05.25

14:30

Անցանց

Գրանցումը փակ է



[Պահպանել Google օրացույցում](#)

ԵՊՀ Սարգիս և Մարի Իզմիրյանների անվան գրադարանի հնատիպ, հազվագյուտ և արվեստի գրականության բաժին, 401 ընթերցասրահ

Ս.թ. մայիսի 14-ին՝ ժամը 14:30-ին, ԵՊՀ Սարգիս և Մարի Իզմիրյանների անվան գրադարանի հնատիպ, հազվագյուտ և արվեստի գրականության բաժնում (401 ընթերցասրահ) տեղի կունենա «Հոգվորթսի գրապահոցներում կամ աշխարհիկ գրադարանների շուրջ» խորագրով հանդիպում, որի բանախոսն է հեքիաթագետ, թարգմանիչ, լեզվաբան, բանասիրական գիտությունների դոկտոր, ԵՊՀ պրոֆեսոր Ալվարդ Զիվանյանը:

Հանդիպման առանցքում կլինի Հարրի Փոթերի աշխարհի «գրադարանային» թեման. գրատներ և տարաշխարհիկ գրադարաններ, արգելված և կախարդված գրքեր:

Գլխավոր թեմայից բացի՝ քննարկում կծավալվի հետևյալ հարցերի շուրջ.

- Ո՞ւմ է հասցեագրված «Հարրի Փոթեր» վիպաշարը: Ի՞նչ ժանրի ստեղծագործություն է այն. փիլիսոփայական, ֆանտաստիկ, քաղաքական, այլ:
- Ի՞նչ խնդիրներ և դժվարություններ եղան գիրքը հայերեն թարգմանելիս: Արդյո՞ք նման հանրահայտ և մեծածավալ ստեղծագործության թարգմանության առաջարկը մարտահրավեր չէր:
- Զ.Զ. Ռոուլինգի երկում ինչպիսի՞ «տարօրինակ» բառեր և արտահայտություններ են հանդիպել, որոնք թարգմանելն անհրաժեշտ է թվացել. ի՞նչ հետաքրքիր լուծումներ են տրվել:
- Փոթերասերների մեծ մասն արդեն վարժվել էր կերպարների՝ ռուսերեն թարգմանությամբ հայտնի ու շրջանառվող անուններին: Ինչպե՞ս ընդունվեց միևնույն անունների հայերեն տառադարձման փորձը:

- Ի՞նչ է «միջտեքստայնությունը». եզր, որ հաճախ է կիրառվում հեքիաթի և հրաշապատում այլ ժանրերի մասին խոսելիս:

Հասցե՝ ՀՀ, ք. Երևան, 0025, Ալեք Մանուկյան 1
(+37460) 710000
info@ysu.am